

Na osnovu člana 37. i člana 81. Statuta Općine Novi Grad Sarajevo („Službene novine Kantona Sarajevo“ br. 30/09 – novi prečišćeni tekst), a u cilju ekonomskog osnaživanja socijalno ugroženog stanovništva, odnosno poboljšavanja životnih uslova domaćinstva i podsticaja plasteničkoj proizvodnji, Općinski načelnik donosi

Pravilnik o utvrđivanju uslova, kriterija i postupaka za ostvarivanje prava na donaciju plastenika u cilju ekonomskog osnaživanja nezaposlenih, socijalno i materijalno ugroženih porodica, odnosno poboljšavanja životnih uslova domaćinstva i podsticaja plasteničkoj proizvodnji

OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava učešća na donaciju plastenika površine 50m².

Član 2.

Pravo podnošenja prijave za dodjelu plastenika površine 50 m² imaju svi zainteresovani građani (fizička lica) koji imaju prebivalište na području Općine Novi Grad Sarajevo u kontinuitetu od najmanje godinu dana.

Pravo na dodjelu ne mogu ostvariti lica koja su u ranijem periodu ostvarila pravo na donaciju - platenik od općina, Ministarstva, humanitarnih i drugih institucija.

Član 3.

Pravo na dodjelu plastenika mogu ostvariti svi zainteresovani građani koji imaju mjesto prebivališta na području Općine Novi Grad Sarajevo u kontinuitetu od najmanje godinu dana i koji su zakonski korisnici minimalno 500m² poljoprivrednog zemljišta na području Općine Novi Grad Sarajevo, Kantona Sarajevo a i šire na području BiH.

Član 4.

Općinska služba nadležna za poslove poljoprivrede je nosioc aktivnosti vezanih za realizaciju Projekta.

IZBOR KANDIDATA

Član 5.

Općina Novi Grad Sarajevo objavljuje Javni poziv za predaju zahtjeva za dodjelu plastenika u dnevnim novinama, na oglasnoj ploči Općine Novi Grad Sarajevo, oglasnim pločama mjesnih zajednica kao i web stranici Općine Novi Grad Sarajevo.

Javni poziv sadrži: pravo učešća na javnom pozivu, uslove koje kandidat mora ispunjavati, kriterije za bodovanje, rok za podnošenje prijave i eventualno druge potrebne podatke.

Izbor kandidata za dodjelu plastenika vrši se na osnovu pristiglih prijave na Javni poziv.

Član 6.

Općinski načelnik imenuje Komisiju za dodjelu plastenika.

Zadatak Komisije: pregled prispjelih prijava i dokumentacije, utvrđivanje liste – prijedloga kandidata za dodjelu plastenika po objavljenom Javnom pozivu, a na osnovu utvrđenih kriterija.

Utvrđena lista – prijedlog kandidata za dodjelu plastenika se dostavlja Općinskom načelniku.

Izbor kandidata vrši Općinski načelnik na prijedlog Komisije za dodjelu plastenika.

O rezultatima Javnog poziva kandidati će biti obaviješteni putem oglasne ploče Općine Novi Grad Sarajevo i web stranice.

Član 7.

Izabrani kandidat potpisuje Ugovor o dodjeli plastenika sa Općinskim načelnikom kojim će biti regulisana sva dalja međusobna prava i obaveze.

KRITERIJI ZA DODJELU PLASTENIKA

Član 8.

a) bodovi po osnovu pripadnosti jednoj od dole navedenih kategorija:

- podnosioc zahtjeva nezaposlen(nalazi se na evidenciji JU Zavoda za zapošljavanje Kantona Sarajevo-biro Općine Novi Grad Sarajevo.....10 bodova
- za svakog nezaposlenog punoljetnog člana porodičnog domaćinstva..... 3 bod
- borački status podnosioca zahtjeva (nezaposlen demobilisani borac, demobilisni borac sa neriješenim radnim statusom)..... 7 bodova
- dodatni borački status člana porodičnog domaćinstva..... 2 bod
- porodica šehida, porodica poginulih, umrlih ili nestalih boraca..... 5 bodova
- podnosioc zahtjeva ima priznat status RVI..... 5 bodova
- dodatni RVI status člana porodičnog domaćinstva..... 1 bod
- podnosioc zahtjeva ima status civilne žrtve rata, neratnih invalida i u stanju je socijalne potrebe u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom.....3 boda
- dodatni status člana porodičnog domaćinstva kao civilne žrtve rata, neratnih invalida i lica u stanju je socijalne potrebe..... 1 bod
- podnosioc zahtjeva ima priznat status logoraša..... 3 bodova
- dodatni logoraški status člana porodičnog domaćinstva..... 1 bod
- podnosilac zahtjeva penzioner sa utvrđenom minimalnom penzijom u FBiH.....2 boda
- dodatni status člana porodičnog domaćinstva - penzioner sa utvrđenom minimalnom penzijom u FBiH.....1 bod

b) posjedovanje sertifikata o završenom kursu –edukaciji o plasteničkoj proizvodnji

.....5 bodova

Član 9.

Kada prijavljeni kandidati pri bodovanju imaju isti broj bodova, prednost će imati višečlano domaćinstvo kao i onaj kandidat čiji je porodični standard niži.

Član 10.

Pravilnik stupa na snagu danom donošenja, a biće istaknut na oglasnoj ploči i web stranici Općine.

Broj: _____
Sarajevo, _____ 2015. godine

OPĆINSKI NAČELNIK

mr. Semir Efendić